

得混雜更相戲笑无有專早為諸天所笑鬼神所慢犯者為司官所糾罰以五帝神兵移名北嶽不得又登齋堂

三元篇曰凡有同學遇灾被厄疾病縣官口舌非橫之事皆修中元之法當資香油為信告齋主隨其情事列奏高虛也

三元篇曰凡行此道學法亦齋合丹亦齋入山亦齋傳經亦齋八節日亦齋甲子日庚申日太歲日本命日亦齋富貴亦齋貧弊亦齋

有樂亦齋有憂亦齋疾病亦齋口舌亦齋有尼亦齋師有憂亦齋國不寧亦齋師有尼亦齋同盟者有憂亦齋諸如此等其功至重於常若能恒修此法三年剋得真人下降但依常修行九年感靈能乘空飛行其道秘重慎勿妄傳

三元篇曰太真科高上元始受之空洞九玄之先置於齋直以行神仙之訣如是玄都上室真人皆有於月上旬修上元中旬修中元下旬修下元況於世學而不能修三元之道空思之微真豈為降徒勞動事求仙遠也若

有志心當依明科齋錄之繪三十尺金錄九隻諸師告善教授度真人修之九年剋得飛仙上登玉清之宮輕泄寶文七祖死責已身亡命不得入仙

无上秘要卷之五十五

正一天師清微弟子 洪百堅 製作  
道教學術資訊網站

无上秘要卷之五十六

太真中元齋品

比八

太真科文為學之本當先修中元齋直之法以贖己身積滯之愆解過於太真謝罪於三元宿愆既散高上降真書名玄圖剋成上仙學无此法徒勞損功无感於自然有修其道飛騰九天輕泄靈文身沒鬼官

修中元齋法宿自沐浴入室燒香西向叩齒二十四通捻香三過長跪上啓

高皇玉帝九玄道君太真中元无極天尊臣以今月某日於此齋直行香然燈悔過謝愆願蒙

天真中元靈官宣告五方五帝五嶽天仙地仙飛仙監真使者直齋仙官玉童玉女各二十四人曲垂降鑒營護百身通術致真上聞

九天謹以宿啓奏須御奉行

到明日清旦入室先入齋堂戶外叩齒三通思齋堂之內生自然紫炁芝英丹精滿於齋堂玉童玉女羅列左右微言正爾入室燒香行道願真齋仙官營衛臣等身通致玄虛動

靜啓閣

便進齋堂內東向香爐祝曰

中元五靈五老神真金仙玉童太華玉女左

右龍虎侍香仙官關啓

九天元始天王虛皇玉帝上聖天尊且令燒

香旋行禮經願得

中元无極自然正真之炁降入且身中受且

口中祕言所啓速聞徑御

高上玉帝且前

東向長跪叩齒二十四通

謹出且身中五體真官玉門紫戶三十九關

上真靈官左右飛仙玉虛侍郎五帝五色元

皇太真飛龍功曹神使者三十六人出侍

即執飛仙羽節九天耀天之慶五帝五色元

皇太真執五帝命魔靈幡飛龍功曹冠帶羽

服金真鳳章神且使者交落七元且擎持玉案

對立且前銜且口中祕言乘金根紫蓋丹轅

瓊輿飛雲之輪從金仙玉童太華玉女各十

二人左右龍虎騰天羽騎二十四萬衆飛行

紫虛上登九天之上金闕玉殿瓊房丹室之

內上啓

上上无極无窮至上洞真九玄元父太虛玄

母元始天王高上玉虛萬道丈人九天真王

三十六天王萬始先生三天玉童九天丞相

太真天王高上三十九帝二十四玉皇玄古

先生萬始丈人高上玉晨太上大道君後聖

金闕帝君扶桑暘谷神王四司五帝南極上

元荼君西臺龜母上清太真玉保上相大司

馬司命高晨師東海玉門青華小童君太清

玄元上三天无極大道太上老君太上丈人

天帝君九老仙都君九炁丈人百千萬重道

炁千二百官君太清玉陛下太極四真无缺

數衆上皇真人无極天尊炁流自然玄都元

皇大洞三景弟子小兆真人某嶽先生且某

本生胎穢遭遇靈運因緣福慶輪轉法門得

生人道忝蒙高虛餘光曲映啓悟愚蒙得以

免質仰披聖文法師某甲等授且實經三十

一卷身染穢累未能騰景浮輪九玄沈淪下

世修行虧替舉止羅愆為四司所執結報科

門敢緣聖典盟受齋文太真中元拔贖宿愆

今入室登齋誦經行道思真燒香明燈朝禮

五天悔罪謝過上求神仙願上頌

高上三寶領仙侍郎五方五帝監靈大夫監

齋大神典齋使者直齋上真飛仙天仙地仙

五嶽神仙兵馬騎乘各九億萬衆一合降下

營衛且身滅魔消試辟却妖凶招致九天自

然正炁金液丹精芝英神且交會齋堂洞映

且身玉童玉女侍衛香煙令且行道得道求

仙得仙飛行太空騰景九天舉鶴願合與三

寶齊真炁消中元罪滅太陰千愆萬咎並蒙

宸原拔度七祖死魂生天一切諸天風蒙免

離十苦八難被受中元无極无量濟度之恩

修行事竟遂還本官惟速御聞須報奉行且

第一向香爐三上香稱玄都大洞二景弟子

小兆真人某嶽先生且某甲謹建齋立直燒

香然燈誦經行道解拔宿愆謝罪三元上求

神仙願以是功德為且七世父母解脫憂苦

上魂生天除且千基萬考宿對重愆令歸身

歸神歸命

无極元始高上玉帝太真天尊願以是功德  
歸流自身上及七祖千罪萬愆普蒙哀原乞  
免離十苦上登仙官今故燒香自歸依  
高上无極天尊得道飛仙騰景九天道遠金  
闕與三寶合真

第二上香願曰臣今建齋立直燒香然燈誦  
經行道解拔宿愆謝罪三元上求神仙願以  
是功德為臣七世父母解脫幽苦上魂生天  
除臣千罪萬考宿對重愆今歸身歸神歸命  
无極元始高上玉帝太真天尊願以是功德

歸流臣身七祖父母千罪萬愆普蒙哀原一  
切大恩惠及諸天臣受道法師父母身親山  
林隱學諸道士賢者普得升度免離罪門今  
故燒香自歸依  
高上无極天尊得道飛仙騰景九天道遠金  
闕與三寶齊真

第三上香願曰臣今建齋立直燒香然燈誦  
經行道解拔宿愆謝罪三元上求神仙及臣  
家門宗室九族姻親  
帝王國主君臣吏民四隣邊域諸天民人及

煇飛蠕動蚊行喘息一切衆生歸身歸神歸  
命

无極元始高上玉帝太真天尊願以是功德  
歸流臣身家門千罪萬愆普蒙哀原一切大  
恩惠及諸天宗室九族姻親

帝王國主君臣吏民四隣邊域天下民人煇  
飛蠕動一切衆生已生未生普得升度各保  
自然今故燒香自歸依

高上无極天尊得道飛仙騰景九天道遠金  
闕與三寶齊真  
東向三拜長跪願曰

臣今齋直燒香然燈思真轉經解拔宿愆謝  
罪三元歸命  
東方无極元始高上玉帝太真天尊乞垂曲  
映原臣所陳賜臣學道得道求仙得仙飛行

太空騰景九天七世父母免離三塗上升南  
宮被受  
天尊濟度之恩便三叩頭三搏頰止

次東南向如上法  
次正南如上法

次西南如上法  
次正西如上法

次西北如上法  
次正北如上法

次東北如上法  
次西北上方如上法

次東南下方如上法  
右十方皆如東方之願悉三拜叩頭三搏頰  
以謝十方之罪太真科長齋疲極亦得心拜  
但叩頭搏頰不得闕

次向西方再拜長跪願曰  
臣今齋直燒香然燈思真轉經解拔宿罪千  
谷萬愆願從

西方无上玄元空洞太始九玄元素玉真丈  
人高聖上仙龜臺玉妃玉虛太靈无極天尊  
垂恩曲映特見臣哀原賜臣行道得道求仙得  
仙飛行太空騰景九天板度七祖上昇南宮  
長居无為衣食自然被受上聖濟度之恩

次北向再拜長跪願曰  
臣今齋直燒香然燈思真轉經解拔宿罪千

答萬愆願從

北方无上太空玄洞紫虛元始丈人三天玉童高上玉晨太上大道君太真丈人太真神王北俱中真高玄萬仙上聖天尊垂恩曲映特見哀原賜臣行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次東向再拜長跪願曰

臣今齋直燒香然燈思真轉經解拔宿罪千答萬愆願從

東方高上九玄玉虛大帝太清玄元上三天无極大道太上老君諸君丈人賜谷神王扶桑大帝君天帝君太微帝君中黃老君九老仙都君九炁丈人太清玉陛下上清太真玉保王上相東海玉門青華小童君高仙萬聖

至極天尊垂恩曲映特見哀原賜臣行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次南向再拜長跪願曰

臣今齋直燒香然燈思真轉經解拔宿罪千答萬愆願從

南方无上太空九玄元始洞靈虛皇玉帝南極上元禁君南昌司命長生君洞陽高聖上仙天尊垂恩曲映特見哀原賜臣行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

次向中央太歲上再拜長跪願曰

臣今齋直燒香然燈思真轉經解拔宿罪千答萬愆願從

中央无上无巔无極无窮太虛空洞玄古先生萬道父母紫虛青要帝君後聖九玄金闕帝君太華玉靈中玄四真高聖中皇上仙天尊垂恩曲映特見哀原賜臣行道得道求仙得仙飛行太空騰景九天拔度七祖上昇南宮長居无為衣食自然被受上聖濟度之恩

禮五帝竟當還向東方誦五帝慶樂之曲旋行今三周周於南方向北止但誦經而已不

須入拜也

旋行竟當還北向誦四極五苦頌三篇畢又三拜九叩頭九擗頰以謝四極之罪謝四極竟當還東向叩齒三通三捨香祝曰

五嶽五帝神仙使者二炁正真左右龍虎天仙地仙飛仙五嶽香官當令招致十方正炁自然金液丹精芝英九玄玉真交會齋堂洞觀臣身中使臣學道得道求仙得仙飛行太空騰景九天玉童玉女侍衛香煙奏達所啓上衛

高上无極太上大道玉皇几首叩齒九通咽炁九過都止出戶勿反顧

中元篇曰修中元齋法當書五帝命魔靈幡置於五方所以爾者上學皆為大魔王干試令思念不專真不得降故以命魔制之耳事竟感之錦囊

朝禮三時食息悉如上九之法齋竟成還齋官亦依上元之格但增首謝宿愆解過之意爾

三元篇曰修上元之法然燈上極九十燈中

可六十燈下可三十燈羅列齋堂左右門閣  
太歲月建日辰本命行年之上脩中元之法  
然燈上極六十燈中可三十六燈下可十二  
燈修下元之法然燈上極三十六燈中可二  
十四燈下可九燈可得悉依上元然燈數亦  
佳无者亦得依下元之法也  
三元篇曰然燈太歲年命上二處令晝夜恒  
明餘燈白日不須明也  
若天雨者但於齋堂然太歲本命二處燈便  
足餘者可闕也  
三元篇自結齋士同齋行香畢當各依其本  
命燈再拜及太歲上啓乞求願隨其所言也

无上秘要卷之五十六

无上秘要卷之五十七

太真上元齋品

高上洞真三元齋上元主天下元主地中元  
主人三元合真上應九玄上元九日以轉經  
行道思真念神合丹鎮生上求神仙中元六  
日乞解已身犯科違戒宿結之愆下元三日  
以拔度七祖解釋九陰死魂生天此高上妙  
法求仙之本根修之成真輕泄漏慢獲罪三  
官  
欲修行大洞真經三十九章雖一玉檢五老  
寶經玄女八門修行十二上願誦誦高上玉  
文飛玄之章思真行道上求神仙及合神丹  
飛騰虛空  
凡修上元齋法九日清齋未至一日五香沐  
浴宿齋齋心上至九人下極三人宿入室北  
向叩齒三十六通捨香三遍長跪上啓  
上元太真皇老高上仙都五帝靈官<sub>臣</sub>等當  
以今月某日明燈燒香旅行誦經<sub>或合神丹</sub>  
上請監真使者真齋仙官五童玉女各三十  
六人監<sub>臣</sub>等行真上聞

此

九天高上虛皇玉帝凡前

明日登齋奉行上真宿昔啓奏惟蒙納聽畢  
明日清旦齋心入室先向齋堂戶外齋主叩  
齒三通思室內生自然紫炁之雲布滿一室  
玉童玉女羅列左右微言某正爾入室燒香  
行道願直齋仙官監衛上真通致玄虛動靜  
以聞便入室左回東向向香爐祝曰  
上元元靈五老神真金仙玉童素靈玉女左  
右侍香飛仙靈官關九天元始天王虛皇玉  
帝<sub>臣</sub>等即時燒香誦經願得无極正炁來降  
入<sub>臣</sub>等身中受<sub>臣</sub>口中祕言所啓速聞徑御  
玉虛高上几前  
次左回北向長跪叩齒三十六通祝曰  
謹出<sub>臣</sub>等身中四肢五體三十九戶上真靈  
官左右飛仙玉虛侍郎五帝五色元皇太真  
飛龍功曹神<sub>臣</sub>使者各三十六人出玉虛侍  
郎飛仙羽節九色耀天之麾五帝五色元皇  
太真手執五帝命魔靈播飛龍功曹冠帶羽  
服金真鳳章神<sub>臣</sub>使者交落七元擎持玉案  
對立<sub>臣</sub>前衛<sub>臣</sub>等口中祕言乘金根紫蓋丹